

**Gitukod sa Dios ang Iyang Kaugalingon
diha ni Cristo nganha sa Atong Pagkatawo**

Basahong Kasulatan: 2 Sam. 7:12-14a; 1 Cor. 3:9; Efe. 3:14-21;
Mat. 13:3-9, 19-23; Bug. 21:3, 22

I. Pagpadayag ang 2 Samuel 7:12-14a sa panagna agig hulagway nga nagpakita kanato nga gikinahanglan nato ang Dios nga motukod ni Cristo nganha sa tiunay natong pagkamao aron maumolan pag-usab og Cristo ang tibuok natong pagkatawo—Mat. 16:18; Efe. 3:17:

- A. Ang organicong pagtukod sa iglesia nga Lawas ni Cristo pinaagi sa kahikayan sa espirituhanong metabolismo sa pagkatinuod mao ang gipangagna ni Jehova kang David agig hulagway sa 2 Samuel 7:12-14a; pinaagi ra ning kahikayana nga matransporma ang mga tawo nga mga anak sa Dios ug nga mahimong diosnon—ang mga anak sa Dios—ang tawhanon—ang kaliwat sa tawo.
- B. Aron mahitabo ang pagtukod sa Dios, dawaton, hilison, ug ihilis-sagol gyod nato ang organico, pneumaticong Cristo, nga mao ang Espiritung taghatag-og-kinabuhi, isip espirituhanong kalan-on, ilimnon, ug gininhawa nato—Juan 6:51, 57; 7:37-39; 20:22:
 - 1. Pahimuslan ngani nato ang Cristo “karon” sa pagkaon, pag-inom, ug paghanggap nato Kaniya, mahitabo sa sulod nato ang metabolicong kahikayan, ug maumol si Cristo sa atong pagkatawo—Gal. 2:20; 2 Cor. 2:15; Fil. 1:20-21.
 - 2. Ang pamatigayon sa Dios pag-umol man sa Iyang Kaugalingon kanato aron makasinati tag metabolicong kahikayan sa espirituhanong paghilis ug paghilis-sagol nga inanay ug tiunayng mag-usab sa kinabuhi—2 Cor. 3:18
 - 3. Kining metabolicong kahikayan mao ang pagkatransporma, ug ang pagkatransporma mao ang pagkatukod—itandi sa Bug. 21:18; 4:3.

II. Ang mga magtutuo, nga gipanganak pag-usab diha ni Cristo pinaagi sa kinabuhi sa Dios, yutang gitikad Niya, umahan sa bag-ong kabuhatan sa Dios nga magpatubog Cristo aron mapalugwa ang hamiling materyales alang sa balay sa Dios—1 Cor. 3:9:

- A. Matod pa sa Biblia, ang pagtubo mao ra ang pagtukod; mahitabo kini sa pagtubo sa diosnong binhi sa sulod nato—1 Juan 3:9; Col. 2:19; Efe. 4:15-16.
- B. Gipadayag sa Efeso 3:17 nga nisulod ang Tulo-usang Dios kanato aron magtukod nga Siya mismo ang elemento ug dunay gikan sab nato ingog materyal.
- C. Gihulagway kini sa sambingay sa magsasabod sa Mateo 13:
 - 1. Gisabod sa Ginoo ang Iyang Kaugalingon ingon nga binhi sa kinabuhi nganha sa kasingkasing sa mga tawo, ang yuta, aron motubo ug mabuhi Siya sa sulod nila ug mapadayag gikan sa sulod nila—v. 3.
 - 2. Gisabod ang binhi sa yuta aron motubo pinaagi sa mga sustansya sa yuta; tungod niana, hinimo sa mga elemento sa binhi ug sa yuta ang abot—v. 23.
 - 3. Duna tay mga sustansya sa sulod nato nga gilalang sa Dios isip pagpangandam sa pagsulod Niya kanato aron motubo sa sulod nato; gilalang sa Dios ang espiritu sa tawo nga naay tawhanong mga sustansya uban sa kasingkasing sa tawo ingon nga yuta alang sa diosnong binhi—itandi sa 1 Ped. 3:4.
 - 4. Ang kapaspason sa pagtubo nato sa kinabuhi wala mag-agad sa diosnong binhi kondili sa kadaghanon sa mga sustansyang ihatag nato ning binhia;

maglabi kadaghan ang sustansyang isangkap nato, labi sab kapasas motubo ang binhi ug labi kining molabong—Sal. 78:8; Mat. 5:3, 8:

- a. Kon magpabilin ta sa atong kalag, sa natural nga tawo nato, wala gyoy mga sustansyang makapatubo sa diosnong binhi; apan kon malig-onan ta nganha sa tawo nato sa sulod ug kon magtagad ta sa atong espiritu ug gamiton kini, ikasangkap ang mga sustansya, ug makabalay si Cristo sa atong kasingkasing—Efe. 3:16-17; Rom. 8:6; 1 Tim. 4:7; itandi sa Jud. 19.
 - b. Kon buot ta nga motubo sa sulod nato ang Ginoo nga binhi sa kinabuhi aron mahimong hingpit nga pagpahimulos nato, bug-os gyod tang mobukas sa Ginoo ug mobulig Niya nga hingpit gyong mobatok sa atong kasingkasing—Mat. 13:3-9, 19-23.
5. Sa usa ka bahin, lig-onon ta sa Dios sa Iyang Kaugalingon isip elemento, ug sa laing bahin, ihatag nato ang mga sustansya; pinaagi ning duha buhaton sa Dios diha ni Cristo ang tiunayng pagtukod Niya—ang pagtukod sa Iyang panimalay—sa tibuok natong pagkatawo.

III. Nagpadayag ang pag-ampo sa apostol sa Efeso 3 nga aron matuman ang walay kataposang pamatigayon sa Dios, gikinahanglan nato ang Amahan, sumala sa kadato sa Iyang himaya, nga molig-on nato sa gahom pinaagi sa Iyang Espiritu nganha sa tawo nato sa sulod, aron makabalay si Cristo sa atong kasingkasing, mookupar sa tibuok natong pagkatawo, aron mapuno ta ug mahimong tanang kahupnganan sa Dios—vv. 14-19:

- A. Ang pag-ingon nga kinahanglan lig-onon ta sa gahom nganha sa tawo sa sulod nagpakita nga wala ta sa tawo sa sulod, nga sagad tang nagkinabuhi sa tawo sa gawas—v. 16; 1:19-22; 3:20.
- B. Nagtinguha si Cristo nga mookupar sa tanang lawak sa atong kasingkasing:
 1. Ang pamulong *makabalay Siya* usa ra ka pulong sa Griyego, *katoikeo*, nga sukaranong nagpasabot og mopuyo sa puluy-anan, maghimog puluy-anan, ug ang unang-gikit (prefix) ning pulonga nga *kata* nagpasabot og “ubos”—v. 17a.
 2. Sa magbalay si Cristo sa kahiladman sa atong kasingkasing, gipagamot ta diha sa gugma alang sa umahan sa Dios ug gipasukad diha sa gugma alang sa balay sa Dios—v. 17b.
 3. Sa magbalay si Cristo sa atong kasingkasing, malig-onan ta sa pagsabot uban sa tanang balaan sa dili masukod nga Cristo, kansang mga sukod mao ang mga sukod sa uniberso—v. 18:
 - a. Ang pagsinati nato ni Cristo diha sa iglesia tuloy-sukod gyod unta, sama sa cubo (sa gilapdon, gitason, gihabogon, ug giladmon), ug dili usa-ray-sukod, sama sa linya.
 - b. Sa tabernaculo ug sa templo, cubo ang Dapit Labing Balaan—Exo. 26:2-8; 1 Hari 6:20.
 - c. Sa kapulihay, ang Bag-ong Jerusalem, ang balay sa Dios, walay kataposang cubo unya, ang Dapit Labing Balaan, nga napulog duha ka libo ka stadia sa tulo ka sukod—Bug. 21:16.
 4. Tungod sa pagbalay ni Cristo sa atong kasingkasing makaila ta sa gugma ni Cristo nga labaw-sa-kahibalo, aron mapuno ta ug mahimong tanang kahupnganan sa Tulo-usang Dios aron hiniusang magpadayag Niya, maghimaya Niya—Efe. 3:19-21; itandi sa Gen. 24:47, 53, 61-67.

IV. Kon nakaamgo ta nga nagtinguha ang Dios nga iumol ang Iyang Kaugalingon nganha sa pinili Niyang katawhan, nan, ang tumong sa buhat nato mao gyod ang pagpangalagad sa nagtukod ug natukod nga Dios ngadto sa uban aron matukod sa Tulo-usang Dios ang Iyang Kaugalingon nganha sa ilang pagkatawo—Efe. 3:17a:

- A. Ang mahinungdanong butang sa buhat nato diha sa pahiuili sa Ginoo pagpangalagad man sa nagtukod ug natukod nga Dios—Mat. 16:18; Efe. 2:21-22; 3:17a.
- B. Pamalandongon gyod nato pag-usab ang buhat nga gibuhat nato alang sa Ginoo ug mangutana kon unsa na kadako nga Cristo nga pagkalawas sa Tulo-usang Dios ang naumol nganha sa mga nadala nato sa Ginoo—Gal. 4:19; Col. 1:28.
- C. Batasanon gyod nato ang usa ka butang—ipangalagad ang nahikay ug nahingpit nga Tulo-usang Dios ngadto sa uban aron matukod Niya ang Iyang Kaugalingon nganha sa tawo nila sa sulod; mag-ampo gyod ta nga tudloan ta sa Ginoo nga mobuhat sa ingon niini—2 Cor. 13:14; 1 Cor. 3:9a, 10, 12.
- D. Tukoron ngani nato ang iglesia pinaagi sa nahikay ug nahingpit nga Tulo-usang Dios, sa pagkatinuod dili kita ang nagtukod; ang Dios hinuoy nagtukod pinaagi nato, gigamit ta nga palagianan sa pagpaambit ug pagpalatay sa Iyang Kaugalingon ngadto sa uban—Buh. 9:15; 1 Cor. 14:4b; 2 Cor. 3:3-6.
- E. Sa magbuhat ta alang sa Dios karon, moapil gyod ta sa pagtukod sa Dios—ang pag-umol sa diosnong elemento nganha sa tawhanong elemento ug sa tawhanong elemento nganha sa diosnong elemento—Juan 14:20; 15:4a; 1 Juan 4:15.
- F. Sa giuimol ang diosnong elemento nganha sa atong pagka-tawo, nahimo tang Dios sa kinabuhi ug kinaiya apan dili sa ranggo sa pagka-Dios, ug sa giuimol ang tawhanong elemento nganha sa Dios, nahimong tawo ang Dios; kini ang pagtukod nga gipadayag sa Bag-ong Tugon—Efe. 2:21; 4:16.
- G. Diha sa pahiuili sa Ginoo bahin gyod unta ning pag-inumolay ang buhat nato:
 - 1. Kon walay labot ning pag-inumolay ang buhat nato, nan, sa panan-aw sa Dios sama sa kahoy, sagbot, ug dagami ang buhat nato—1 Cor. 3:12.
 - 2. Kon bahin ning pag-inumolay ang buhat nato, isipon sa Dios nga bulawan, salapi, ug hamiling mga bato ang buhat nato, nga mahingpit sa Bag-ong Jerusalem—Bug. 21:2, 10-11, 18-21.
- H. Sa naningkamot ta nga magbuhat sa paaging gitudlo sa Dios sa upat ka lakang sa pagpanganak, pagpakaon, paghingpit, ug pagtukod, ibasi gyod ang buhat nato sa nahikay ug nahingpit nga Tulo-usang Dios, nga nagtukod sa Iyang Kaugalingon nganha sa piniling katawhan Niya ug nagtukod nila nganha Niya.
- I. Kon ipangalagad nato ang nagtukod ug natukod nga Dios ngadto sa uban aron motubo sila sa diosnong kinabuhi, nagtukod ta sa Lawas ni Cristo, nga mahingpit sa Bag-ong Jerusalem—Col. 2:19; Efe. 4:15-16; Bug. 21:10.

V. Sa kapulihay, masagol, masakot, ug matukod nga usa ka persona ang Tulo-usang Dios ug ang tinubos nga katawhan—ang Bag-ong Jerusalem—vv. 2, 10:

- A. Gitukod ang Bag-ong Jerusalem sa pag-umol sa Dios sa Iyang Kaugalingon nganha sa tawo aron ipasama sa Dios ang tawo sa kinabuhi, kinaiya, ug pagkamao aron mahimong hiniusang persona ang Dios ug tawo—vv. 18-21.
- B. Inumol ang Bag-ong Jerusalem sa pagkadios ug pagka-tawo nga gisakot ug gisagol nga usa ka persona; pareho rag kinabuhi, kinaiya, ug pagkamao ang tanang bahin ug tungod niana hiniusang persona—vv. 3, 22:
 - 1. “Masigpuy-anan, Dios-tawo, / Ang Dios m’oy sulod sa tawo; / Ang Dios mapadayag na, / Diha gayod sa tawo—*Mga Alawiton*, #972, estansa 9.
 - 2. Gitukod ug gisakot ug gisagol ang Dios ug tawo, ang tawo ug Dios; kini ang kahingpitan sa pagtukod sa Dios.
- C. Inumol sa Dios ug tawo ug sa tawo ug Dios ang Bag-ong Jerusalem, nga giuimol nga usa—Bug. 22:17a; 21:3, 22:
 - 1. Kini ang Dios nga napadayag diha sa tawo ug ang tawo nga nahimaya diha sa Dios, nga ang diosnong himaya masanagong nagsidlak diha sa tawo—v. 11.

2. Ang duha—Dios ug tawo—nahimong masigka-puluy-anan:
 - a. Ang Dios apan tawo nagpuyo diha sa tawo apan Dios.
 - b. Ang tawo apan Dios nagpuyo diha sa Dios apan tawo.
- D. Ang masigka-puluy-anan nga napalugwa tungod sa pag-umol sa diosnong elemento nganha sa tawhanong elemento ug sa tawhanong elemento nganha sa diosnong elemento maoy sentro ug realidad sa uniberso—vv. 1-2, 22; itandi sa Eccl. 1:2.
- E. “Ang nahikay ug nahingpit nga Tulo-usang Dios, sumala sa gikahimut-an sa Iyang tinguha ug alang sa kinahabogang tuyo sa Iyang pamatigayon, nagtukod sa Iyang Kaugalingon nganha sa piniling katawhan Niya ug sa piniling katawhan Niya nganha sa Iyang Kaugalingon, aron makabaton Siyag inumol diha ni Cristo nga panagsagol sa Dios ug tawo nga mahimong organismo Niya ug Lawas ni Cristo, nga walay kataposang pagpadayag Niya ug masigka-puluy-anan sa nagtubos nga Dios ug sa tinubos nga tawo. Ang kinataposang kahingpitan ning milagrosong estruktura sa bahandi mao ang Bag-ong Jerusalem sa eternidad”—Gikulit sa lubnganan ni Witness Lee.